


Biblia alang sa Kabataan motanyag

Nakita ni Isaias ang Umaabot



Gisulat ni: Edward Hughes

Gihulagway ni: Jonathan Hay
Alastair Paterson

Gipahaom ni: Mary-Anne S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org


©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

1

Si Isaias usa ka propeta. Ang iyang trabaho mao ang
pagsulti sa mga tawo sa mga gisulti sa Dios. Ang mga
tawo dili kanunay

gustong
makadungog
sa Pulong sa
Diyos, ...




Uzzias

Ezequias


2

... apan wala gayod pasagdi ni Isaias ang Diyos. Si Isaias nagwali sa panahon sa paghari sa upat ka lainlaing mga hari.



3

Si Hari Uzias nagmando sa yuta sa Juda gikan sa siyudad sa Jerusalem. Sa sinugdan, gipanalanginan sa Diyos si Uzias tungod kay gibuhat niya ang matarong sa panan-aw sa Ginoo. Apan si Uzias nahimong garboso ug mihunong na sa pagsunod sa Diyos. Nahimo siyang sanlahon ug kinahanglang mag-inusarang magpuyo hangtod nga siya mamatay.



4

Si Hari Uzias naghari sa kapin sa 60 ka tuig. Sa dihang namatay siya, si Jotam nga iyang anak nga lalaki mipuli kaniya ug naghari sulod sa 17 ka tuig.

Gipanalanginan sa Diyos si Jotam tungod kay namati siya sa gisulti sa Diyos pinaagi ni Isaias ug sa ubang mga propeta.




5

Ang anak ni Haring Jotam mao si Ahaz. Si Ahaz may baynte ka tuig ang panuigon sa pagsugod niya paghari, ug siya naghari sulod sa napulo ug unom ka tuig sa Jerusalem. Si Ahaz wala magtagad sa Dios.




6

Nagsimba siya sa mga diosdios ug bakak nga mga dios, ug nangulo sa daghang katawhan sa Dios sa pagbuhat sa ingon. Bisag gipasidan-an siya ni Isaias, si Ahaz wala mamati sa mga pasidaan sa Diyos. Namatay siya sa dihang 35 anyos pa lang siya.



7


Gipanalanginan sa Dios ang sunod nga hari, si Ezequias, tungod kay iyang gikuha ang tanang mga diosdios ug bakak nga mga dios, ug nag-ampo sa matuod nga Dios. Sa dihang ang kaaway nga kasundalohan misulong sa Juda, si Ezequias nahibalo nga ang iyang kasundalohan huyang kaayo sa pagdaog. Iyang gihangyo si Isaias sa pag-ampo alang sa tabang sa Diyos.



8

Si Isaias nagpadala niini nga mensahe ngadto sa Hari. "Mao kini ang giingon sa Ginoo: Ayaw kahadlok niini nga kaaway ... patumbahon ko siya ..." Sa wala madugay, gipapahawa sa Dios ang kaaway nga kasundalohan nga wala gani makig-away


kang Ezechias.



9

Bisan tuod ang mga tawo sa iyang palibut wala kaayo


maghunahuna mahitungod sa Dios, si Isaias naghunahuna ug maayo mahitungod Kaniya.



10

Usa ka adlaw niana, siya adunay usa ka panan-awon,

nga sama sa nagdamgo kung wala ka natulog. Sa panan-awon, nakita ni Isaias kon unsa ka mahimayaon ug kabalaan ang GINOO.



11

"Kinsa ang akong ipadala?" Nangutana ang Dios sa panan-awon. "Ania ako. Ipadala ako," mitubag si Isaias. Andam siya sa pagbuhat sa bisan unsa nga isugo sa Dios, ug moadto bisan asa siya ipadala sa Dios.



12

Tingali naghunahuna si Isaias nga ipadala siya sa Diyos sa lagyong mga tawo nga wala makadungog bahin sa Diyos. Apan dili, wala kana buhata sa Dios.



13

Ang Dios misulti kang Isaias sa pagsulti ngadto sa iyang kaugalingong katawhan sa iyang kaugalingong nasod. Kinahanglan niyang sultihan sila ang Dios nasuko sa ilang sala.




14

Adunay ubang mga butang nga kinahanglan isulti ni Isaias sa iyang katawhan - mga katingalahang butang mahitungod sa usa ka Tawo nga mahimong kusgan nga manluluwas ug moanhi aron

sa pagluwas kanila gikan sa sala ug gikan sa tanan nilang

mga kaaway.



15


Gitawag kini sa mga Judio nga "Mesiya". Bisag sila nagdahom nga ipadala sa Diyos ang Mesiya, daghang tawo ang nagpuyo nga morag dili na gayod siya moabot.



16

Ang tanang butang nga gisulti ni Isaias mahitungod sa Mesiya nahisulat sa iyang basahon. Bisag gisulat

niya kining mga butanga gatosan ka tuig sa wala pa kini mahitabo, ang tanang gisulti ni Isaias bahin sa Mesiya matuman.



17

Si Isaias nag-ingon nga ang Dios mismo mohatag ug ilhanan.

Siya miingon, "Tan-awa ang usa ka ulay


manganak ug usa ka anak nga lalaki ug tawgon ang iyang ngalan Emmanuel." Ang mga tawo nahibalo nga si Isaias naghigot bahin sa Mesiya sa Diyos tungod kay ang usa ka babaye

dili mahimong ulay ug makabaton usab ug anak. Usab, ang ngalang Emmanuel nagpasabot nga ang Diyos uban kanato!



18


"Kay alang kanato ang usa ka Bata natawo, alang kanato ang usa ka Anak nga Lalaki ang ihatag; ug ang kagamhanan igatungtong sa Iyang abaga. Ug ang Iyang ngalan pagatawgon nga Kahibulongan, Magtatambag, Dios nga Makagagahum, Amahan nga Walay Katapusan, Prinsipe sa Kalinaw." Sigurado kaayo si Isaias nga matuman ang mga saad sa Dios, nagsulti siya nga murag nahitabo na ang panghitabo. Kini gitawag na propesiya.



19


Si Isaias miingon nga ang Mesiya mahimong bantugan ug mobuhat ug dagkong mga butang. Gisultihan usab sa Dios si Isaias sa pagsulti sa katawhan nga ang Mesiya mag-antos ug pagapatyon. Si Isaias tingali naghunahuna kon sa unsang paagi ang Mesiya mahimong dako ug gamhanan ug huyang usab ug masamdan. Apan si Isaias wala makiglalis sa Diyos - gisubli lang niya ang gisulti sa Diyos kaniya. Siguraduhon sa Diyos nga matuman ang Iyang

propesiya.



20

Ang Mesiyas moabot - dili lang para sa mga Judio na mga tawo. Gisultihan sa Diyos si Isaias nga ang Mesiyas mao ang "kahayag sa mga Hentil". Ang mga Hentil mao ang tanan nga mga tawo sa kalibutan nga dili mga Judio. Ang Dios nahigugma sa tanan ug ang Iyang Mesiyas nga moabot aron sa pagpanalangin sa tanan ug sa magdala sa kaluwasan ngadto sa kinatumyan sa yuta.



21

Nakita ni Isaias ang Umaabot

Estorya gikan sa Pulong sa Dios, ang Biblia,

makita sa


Isaias 1, 6, 7, 9, 53

"Ang pag-abot sa Imong mga Pulong nagahatag ug kahayag." Salmo 119:130

22

Ang Kataposan

27



60

23

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios: Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

24